

鄖西縣志卷九

武備志

古者不諱言兵兵可百年不用而不可一日無備使當無事時不爲之比卒伍簡車馬則所以捍衛無虞者安在耶此武備亟宜講焉志武備

兵制

兵貴有制定制者防邊隘也州郡設兵爲備廬陵禦盜之一百里一屯十屯一府瞬息開應援立至所以禦四郊之警也我

朝酌古準今設弁置汎水陸悉有專任之官責無旁貸制允善已鄖西境介豫秦兵制合宜尤爲緊要防守者其毋忽諸

鄖西縣志

卷九

武備志兵制

城守營舊設右哨千總一員向統馬步戰守兵五十四名

副裁存二十二名

上津駐防左司把總一員向統馬步戰守兵五十五名副

裁存二十四名

夾河關駐防外委把總一員領兵四名乾隆初年增設

汎塘十一處

火車舖塘

安家河塘

乾隆十三年知縣

移置於此 茂生以嵩坪河道遠人稀

土門舖塘

黃雲舖塘

祥河舖塘

沙溝舖塘

八里川塘

夾河關塘

關防舖塘

兩岔灘塘

大黃溝塘

按鄖西兵丁每季於秋糧內領一百三十二名其實在西者只有四十六名餘皆鄖之黃龍灘及各官月俸查自上津西南至兩岔灘塘一百四十里又一百二十里夾河關塘三十里為大黃溝塘均臨漢水山水要害向來人烟稀少如此巡防亦覺周密邇者五方雜處各省各

鄖西縣志

卷九

武備志兵制

二

府鋤山稞地接踵而至夾河一塘又與陝之白河連界刁徒匪棍先萃淵藪惟設兵丁四名未免鎮壓尚輕三十六年知縣張道南曾於大憲諮詢時詳請就鄖協中再撥數名互相覺察仍受外委兼制蒙督憲批議在

案矣

舊志

康熙初裁鄖陽撫提二標員弁專設協鎮西邑固協屬地闊兵單急則難恃嘉慶二年白蓮賊至如入無人之境其前車之鑒也今襄郡增設提督移總兵駐鄖陽置城守營守備二其一分防鄖西鄖西原設之千總移駐上津共設把總二經制外委二額外外委二馬步兵三百名嗣以裁汰老弱減六十二名則水陸塘汛碁布星羅

固足壯巖疆而固封守焉

現設武弁

駐城守備一員

駐上津千總一員

專管土門汎塘駐城操兵把總一員

專管夾河汎塘駐夾河把總一員

專管協防駐藍灘汎塘外委一員

專管協防駐黃雲汎塘外委一員

駐城額外二員

兵額

原設馬兵三十名戰兵九十名守兵一百八十名共三百

鄖西縣志

卷九

武備志兵制

三

名咸豐年間改設存城兵丁一百一十七名分設各塘

兵丁共五十三名駐防上津兵丁二十四名藍灘汎塘

十二名土門汎塘十五名夾河汎塘十七名共二百三

十八名

俸薪兵餉

歲需俸餉馬乾共銀肆千貳百捌拾肆兩伍錢貳分

外原額馬兵二十五名每歲馬乾共銀貳百肆拾玖兩

兵米

歲支鄖西縣倉米伍百六十石三斗六升一合貳勺

鄖陽府倉支米玖拾叁石叁斗伍升捌合捌勺

鄖陽府領米折銀壹百伍拾貳兩肆錢貳分

操場

教場在縣西門外二里舊有演武廳今圯僅存照牆一座
射圃在守備署西偏建有箭廳三楹

陸路三汛七塘

土門汛在縣北三十里

上津汛在縣西北一百四十里

黃雲汛在縣西北七十里

火車塘在縣南三十里

安家塘在縣東三十里

祥河塘在縣西北一百二十里

沙溝塘在縣西北一百四十里

鄖西縣志

卷九

武備志兵制

八里塘在縣西北二百一十里

八川塘在縣西二百二十里

關防塘在縣北二百四十里

以上各塘原設兵丁四名嗣以地濶山險改增五名黃

雲兼汛設兵八名

水路二汛二塘

夾河汛在縣西一百四十里

藍灘汛在縣西二百二十里

大黃塘在縣西一百四十里

兩岔塘在縣西二百八十里

以上各塘原設兵丁四名改增五名

按各塘營房三間前爲柵爲門有牌坊以書營名里數瞭
樓一座梯長一丈八尺五寸有旗杆一柳籬各一煙墩
五同治元二年歷遭兵燹各塘營房門柵半傾圯現議
修復

鄖西縣志

卷九

武備志兵制

郵傳

古者置郵傳命爲其不疾而速不行而至者也通都設驛偏隅置郵以便星使往來羽書馳遞夫郵異於驛以步行而無煩馬力也鄖西介秦豫之間而亦南北孔道其所以置郵者脫有檄命庶可倍道而行耳正未可畧焉不紀

縣前舖東抵火車舖三十里通本府道路西南抵觀音舖三十里通陝西白河縣道路西北抵土門舖三十里通上津堡及陝西山陽商南鎮安各縣道路舖司一名舖兵三名

火車舖東抵箭流舖三十里通本府道路西抵縣前舖三十里舖兵四名

鄖西縣志

卷九 武備志 郵傳

六

箭流舖東抵鄖縣青銅舖二十里西抵火車舖三十里舖兵四名

觀音舖東北抵縣前舖三十里西南抵泥河舖三十里通陝西興安州白河道路舖兵二名

泥河舖東抵觀音舖三十里西南抵板橋舖三十里通陝西道路舖兵二名

板橋舖東北抵泥河舖三十里西南抵陝西白河縣縣前舖三十里舖兵二名

土門舖東南抵縣前舖三十里西北抵香口舖二十里通上津堡及陝西道路舖兵三名

香口舖東南抵土門舖三十里西北抵黃雲舖二十里舖

兵二名

黃雲舖東南抵香口舖二十里西北抵絞場舖二十里舖兵二名

絞場舖東南抵黃雲舖二十里西北抵潁河舖二十里舖兵二名

潁河舖東南抵絞場舖二十里西北抵任嶺舖二十里通上津堡道路舖兵二名

任嶺舖東南抵潁河舖二十里西北抵上津堡司前二十里舖兵二名

上津堡司前舖東南抵任嶺舖二十里西北抵沙溝舖二十里通陝西山陽縣道路西南抵卿家舖二十里通陝

鄖西縣志

卷九

武備志郵傳

七

西洵陽縣道路舖兵二名

沙溝舖東南抵上津堡司前舖二十里西北抵陝西山陽縣萬全關舖二十里舖兵二名

卿家舖東北抵上津堡司前舖二十里西南抵土地嶺舖二十里通陝西洵陽縣道路舖兵二名

舖兵一名

軍營舖東北抵土地嶺舖二十里西南抵六郎關舖三十里舖兵二名

六郎關舖東北抵軍營舖三十里西南抵冷水河舖三十里通陝西道路舖兵二名

冷水河鋪東北抵六郎關鋪三十里西南抵獅子鋪三十里通陝西道路鋪兵二名

獅子鋪東北抵冷水河鋪三十里西南抵陝西洵陽縣熱河鋪三十里鋪兵二名

按西津各鋪司兵賦役全書所載與積年報銷冊名數支給一一核實相符每年於實徵補荒共工食銀二百五十兩九分五釐其中或每名六兩或每名五兩均照賦役全書編定前任知縣王必昌於蘆子溝添設一鋪未曾詳報緣火車箭流三十里中相距遙遠每遇雨雪緊要文移多至遲悞就火車箭流抽出二名置於蘆子溝斟酌變通之法也迄今賴之

兵事 冠附

三代上以禮讓三代下以征誅此兵事所由始也民則以不見兵爲幸按鄖西楚之邊陲東居秦疆西連豫境久爲戎馬控惚之地由春秋時以迄元明其間用武者頗多事績入我

朝奠定而後雖屬山鄉僻壤得瞻日月之光而銷兵氣矣迨嘉慶初年白蓮教亂作歷年而勦滅之及同治壬戌夏五月粵逆迭擾官若民罹禍尤烈今幸已蕩滌塵氛羣頌昇平之有象志兵事者殆欲居安而不忘危歟

周頃王三年楚子伐麇成大心敗麇師於房渚潘崇復伐麇至於錫穴

鄖西縣志

卷九

武備志兵事

九

匡王二年楚大飢麇人率百濮聚于選楚人謀徙於阪高秦二世三年四月漢張良畧定南陽郡太守以郡降新莽天鳳四年漢兵起南陽商洛人王岑自稱定漢將軍起兵應之殺莽庸部牧宋遵

晉武帝大始元年錫商併於晉

梁簡文帝大寶二年魏大將軍宇文虬都督王雄攻上津西魏元帝承聖元年王雄平上津以其地爲東梁州三年以東梁州爲金州南洛爲上州

西魏蜀人張國雋聚黨劫掠州郡雍州刺史泉企降之

唐僖宗中和四年鹿晏 掠均房光啟元年金商節度使

楊守亮將兵萬人出金州與王崇榮李克用討朱玫

宋高宗紹興三十一年任天錫攻上津

元順帝至順元年田瑞子劫掠鄖縣襄陽路達魯花赤孛

羅帖木兒將民兵討平之

明成化元年流民寇襄鄖副都御史王恕討平之二年流

民劉千斤石和尚等叛於南漳剽掠鄖津三年命撫甯

伯朱永兵部尚書白圭討平之磔劉通等於市石和尚

劉長子等遁入巫山劉斡斫韶通號河南西華人時流

民避寇於荆襄者百萬湖廣巡撫項忠楊璿下令逐之

弗率者戍邊死者無算祭酒周洪謨著流民說引東晉

僑置郡縣之說使近者附籍遠者設州縣以撫之都御

史李賓上其說十二年命原傑招撫流民十二萬戶給

鄖西縣志

卷九

武備志兵事

十

之間田置鄖陽府增設各縣以統治之流民安業

正德四年四川流賊劉烈藍廷瑞等入犯

嘉靖八年楊文政劫商津諸縣撫治都御史潘旦遣指揮

袁繼勳討平之

崇禎六年流賊入寇自是蹂躪劫掠無虛歲

十一年羅汝才以九營之眾僞降總理熊文燦受之分

諸營於上津竹谿保康十二年五月叛十五年流賊張

獻忠陷鄖西屠殺居民

教諭吳夫傑流賊始末攷

自遼左用兵逃軍憚不敢歸伍相率剽虜關中頻歲祲有

司不恤下崇禎元年白水王二者鳩眾黑面闖入澄城殺

掠由是府谷漢中階州羣盜蜂起三邊飢軍應之此流氛之始也明年總督武之望死久之庭臣莫敢往者羣推楊鶴鶴武陵人字修齡素有清望然不知兵其冬京師戒嚴延綏甯夏甘肅固原臨洮五鎮總兵官悉以勤王行延綏兵中道逃歸甘肅兵亦譁懼誅並合於賊賊益張鶴令參政洪承疇杜文煥擊降賊魁王子順等別賊王嘉九掠延安慶陽鶴匿不奏而給降賊小紅娘一丈青等免死牌安置延綏河曲間寇淫掠如故有司不敢問寇患成於此矣其後賊亦多降者鶴設御座於甯州南令賊拜舞呼萬歲宣聖諭令設誓或歸伍或歸農賊佯應之則立赦其罪羣盜自是視總督如兒戲矣三年賊復叛中部御史奏覈主

鄖西縣志

卷九

武備志兵事

十一

撫誤國逮鶴戍袁州五年陳奇瑜巡撫延綏遣將斬截山虎薛仁貴等賊關中羣盜悉平於是羣盜盡萃於山西流奔河北畿南冬冰堅渡河躡河南湖廣窺四川乃以奇瑜總督陝西山西河南湖廣四川軍務專辦流賊檄諸將兵會陝州先是老回回滿天星闖踏天混世王五大營自楚入蜀阻夔州險走還楚分爲三一犯均州往河南一犯鄖陽往浙川一犯金漆坪渡河犯商南奇瑜乃馳至均州檄四巡撫會討陝西練國事駐商南過其西北湖廣唐暉駐南漳過其東南鄖陽盧象昇駐房竹過其西河南元默駐盧氏過其東北奇瑜乃偕象昇督將士至平利之烏林關大破之又破之於七家溝已設伏竄谿連戰斬賊至獅子

山益多斬獲別將分道擊殺至紫陽賊死者萬餘人奇瑜以湖廣賊盡鼓行而西先是賊入蜀後自蜀入秦由陽平關奔鞏昌洪承疇禦之秦州賊遂越兩當襲破鳳縣分爲二一向漢中取間道犯城固洋縣一由鳳縣奔寶雞汧陽於是在平利洵利間者數萬自四川入西鄉者二三萬犯城固洋縣者又下石泉漢陰會漢興嶺商洛奇瑜遣將分截要害賊悉遁入興安之車廂峽賊首李自成張獻忠等咸在峽四山巉立中亘四十里易入難出賊誤入其中民於山口累石塞路絕無所食困甚當是時官軍蹙之可盡殲自成等乃以重貢賄奇瑜左右及諸將僞請降奇瑜許之先後籍三萬六千餘人悉遣歸農每百人以安撫官一

人護之檄所過州縣具糧糗傳送諸將無得邀撓撫事賊出棧道盡殺安撫官攻掠諸州縣關中大震御史等劾奇瑜誤封疆謫戍邊十四年熊文燦總理諸省軍務連破賊兵威甚振當是時楊嗣昌建四正四隅之說增兵餉七百萬大半期滅賊賊頗懼而文燦顧決計主撫卽招張獻忠劉國能二人聽命乃益刊招降檄布通都明年國能獻忠降時文燦在裕州馬進忠羅汝才十三家賊聚南陽文燦下令殺賊者償死賊不肯從則齎金帛酒食犒之名曰求賊九月文燦次襄陽賊分踞鄖襄諸險諸將合兵大破之於雙溝賊懼叩太和山提督中官求撫於文燦許之處羅汝才等四營於鄖縣惠登相等五營於均州明年五月獻

忠叛於穀城敗左良玉兵於房縣之羅狹山是時楊嗣昌
代文燦會左良玉敗賊於瑪瑙山鄭崇儉之功居多當是
時獻忠竄伏興歸山中秦楚師俱集於夔諸將協心搜討
可盡殲也乃各散去楚師遂敗於土地嶺蜀中由是大亂
楊嗣昌以楚地廣衍賊難制驅賊入蜀險阻可盡殲竹山
房縣有三十二隘口不守十四年高斗樞守鄖陽鄖陽被
寇十餘年屬邑六居民不滿四千撫治王永祚以襄陽急
移師鎮之斗樞甫至六日張獻忠自陝引兵而東斗樞與
知府徐啟元遣遊擊王光恩及弟光興分扼之賊不敢犯
光恩者均州降渠小秦王也斗樞啟元善謀光恩善戰鄖
城危而復全十五年冬李自成陷均襄攻鄖陽四日而去
明年春復來攻十餘日不克去因復均州光化十七年正
月自成遣三萬人來攻斗樞遣人入均州燒其蓄積賊乏
食而退是時湖北十四郡皆陷獨鄖存斗樞之力也

國朝

順治四年襄陽賊王光興王光泰犯西津二縣七月提督
孫某討之敗績九月將軍哈木破光興於大嶮光興
等遁入巴東光興僭稱靖魯侯

康熙十四年偽周將軍洪福大掠泥河等處鄖鎮佟大年
游擊張鴻元杜英劉斌等禦之十五年偽周將軍譚洪
掠鄖西遂圍鄖陽府九月撫治都御史楊茂勳提督總
兵官佟國瑤破之青山賊黨夜遁十八年進勦羊尾山

譚賊遺黨

四十六年秦賊魏學吳次蒿坪河邑人簡續鄉兵賊遁

歸借稱仁義王

嘉慶元年白蓮教倡亂襄陽賊婦齊王氏及其徒姚之富等竄擾荆宜襄鄖諸郡二年四月由浙川商南竄鄖西知縣孔繼楫團練鄉勇會合官軍殲滅之

知縣孔繼楫團練攷

嘉慶丙辰春荆宜白蓮邪教倡亂逆黨之在諸郡者起而應之未幾荆宜施鄖安漢各屬之賊悉平惟襄陽賊婦齊王氏及其徒姚之富等蔓延爲害嘉慶二年四月由浙川商南竄鄖西邑本無城遂於是月初七日失守會直隸提

鄖西縣志

卷九

武備志兵事

十四

督慶成統兵至賊走山陽之漫川關郡守王正常率鄉勇協同官兵追勦繼楫奉檄署鄖西招徠流亡請予賑恤民稍稍定時賊已由漢中入川與川之白蓮教諸賊合尋復奔楚鄖之西北接陝境南臨漢江實爲水陸要隘因大集士民各路設卡分守是歲八月十七日賊毛添喜等由葦子池搶渡漢江繼楫會同把總修永宏率勇擊退三年正月二十三日賊高均德等闖入西路之蒿坪壩太平橋地方繼楫率勇冒雪截勦將軍德楞泰統兵夾攻大獲全勝迨後川陝賊衆奔突靡常漫川關置重兵襄鎮路超吉郡守王正常守之其餘西北諸關隘繼楫率巡檢丁天鈞士民桂榮郭友馮大學胡楚梅周君器聚鄉勇守之把總修

永宏率武生陳必富柯隆忠黃璨等爲遊兵策應教諭顏大倫在任年久周悉民情東路邊卡卽委任之三月初五日首逆齊王氏姚之富大夥賊衆在陝滋擾將軍德楞泰明亮連戰破之是月初六日賊由蓮花池兩河口入鄖西境繼櫛先於槐樹溝設伏斃其前隊却走三岔河將軍麾兵疾進適修永宏率鄉勇分堵要隘賊大窘棄馬登茅山兵勇南北圍攻二逆投崖皆伏誅函首送

京師餘賊殲擒無遺類將軍出二千金犒賞出力鄉勇並捐貲建廟茅山以昭神助泐石紀事修永宏奉

旨以守備擢用是夏巡撫汪新卒於襄陽軍營總督勤宣伯景安督勦漢南賊股郡守王正常赴督帥營易糧儲道恒慶督

鄖西縣志

卷九

武備志兵事

十五

守江北四年十一月初十日賊張漢潮等至陝楚交界之鹽店破東川糧道恒慶督勇擊敗義勇何蛟周明萬等陣歿奉

旨卹賞五年正月初六日賊伍懷志伍金柱等大股萬人盤踞洵陽地方四月之久上下屯聚數十里逼近邊界疊次衝撲東西川野茅坡滾子嶺趙家河等處俱經繼櫛督勇截殺敗走不敢窺伺鄖境適陝撫台布督師勦賊繼櫛遂令顏大倫守邊一面帶勇出洵陽縣之羅家河與陝兵夾擊賊於茨溝大獲勝仗繼櫛知回民王得龍等可用復令乘夜至洵陽之土地嶺熱火燒賊營會經略額勒登保督師至賊卽由山鎮一路北竄因漫川關駐防官兵調赴房縣繼

櫛卽移檄山東河標叅將周龍章帶領兵勇駐守漫川賊
楊開甲等旋於四月二十七日逼近捲洞子兵勇迎戰並
設伏於茨溝次日黎明賊至伏起遂大勝巡撫倭什布分
別賞賚有差時楊伍等賊俱竄孝義距北路邊境已遠是
春苦旱至閏四月初四日始雨耕作方亟暫將鄉勇抽撤
歸農繼櫛仍守漫川關糧道恆慶守備修永宏守蒿坪壩
楊開甲與龐洪盛等賊自孝義潛入鎮安初六日蝟集熨
斗灘冲破蒿坪壩卡修永宏拒賊受傷墜崖絕而復甦陳
必富柯隆忠同時遇害繼櫛聞報卽率桂榮郭友等倍道
馳抵一天門迎勦斃賊前隊追壓十餘里忽風雨大作火
器難施賊乘間闌入大壩繞上津堡奔黃雲舖遇西安將
軍恆瑞統兵至一敗賊於李寺關再敗賊於白蓮河斬獲
無算餘賊遁洵陽大兵盡滅之事

西縣志

卷九

武備志兵事

十六

聞奉

旨陳必富以守備賜卹柯隆忠以千總賜卹是年十二月渠賊樊
人傑阮文潮等衆由甯陝東趨逼近東北五里河將軍石
溝繼櫛亟令顏大倫於要隘之九龍臺安設搗石鎗炮擊
賊提督楊遇春躡踪而至夾攻全勝六年四月二十三日
賊徐添德等由洵陽之高柏楊灘偷渡江北冲撲東川野
茅坡等卡俱經鄉勇等擊敗不能闌入是年五月十四日
樊人傑一股竄入洵陽之火石溝逼近東西朝陽溝邊
圍署巡檢李殿英帶勇迎截賊衆從洵陽之蜀河口躡渡

而遁八年九月初六日陝省太白山餘孽馬二等闖人邊界之閭家坪繼榘督率義勇迎頭擊斃領隊馬賊羣賊不敢直奔鄖境仍卽折竄陝西提督楊遇春追殺而去自此江北晏然而川陝諸賊胥先後蕩平矣計七載以來逆賊屢窺鄖境或渠魁授首或黨與就殲實賴

王師迅掃士民協力同仇惟蒿坪之役幾至乘虛深入咎在繼榘乃蒙

皇上破格矜宥復追念微勞仰邀

異數疎逃小臣何修臻此卽捐糜頂踵奚足上答

高深謹恭錄歷奉

諭旨於右以紀

鄖西縣志

卷九

武備志兵事

十七

國恩以表士民忠義且昭

宸謨

廟算萬里如咫尺焉

嘉慶五年閏四月十九日奉

上諭朕聞知縣孔繼榘在鄖西素得民心所團鄉勇亦最稱強健前此姚之富齊王氏竄近鄖西卽時因該處鄉勇實力堵截德楞泰得以乘勢殲除此後鄉勇等慮及賊匪爲姚之富等報復堵守亦更嚴密孔繼榘又能善於撫馭地方頗資其力兩道員恆慶與孔繼榘會同籌辦不以上司自居故能防堵得宜此卽和衷共濟之明效著明亮倭什布等查明孔繼榘如果民心愛戴始終出力卽據實保奏並將前此截殺姚之富等之鄉勇實

在出力者一併查奏候朕酌量加恩俾其益知勉勵等因欽此
嘉慶五年閏四月二十七日奉

上諭經略額勒登保奏陝省楊開甲等股賊匪前竄鄖西邊界適
因時屆收割該縣令孔繼楨將防守鄉勇抽撥令其暫行回歸
務農賊匪乘間攻破蒿坪壩一天門卡隘各等語此次賊匪攻
破蒿坪壩等卡隘雖因該處設防鄉勇適行回歸務農守卡人
單是以賊匪乘間攻破但知縣孔繼楨係該處地方官防堵是
其專責今賊匪既行攻破卡隘則防範不力之咎亦所難辭因
念孔繼楨向來辦理防守事宜頗爲得力而賊匪攻破蒿坪壩
等卡時該縣又係由漫川馳往是以不卽予以罷斥著姜晟傳
旨嚴行申飭俾知懲儆若將來再任賊匪竄入則斷難寬貸矣

鄖西縣志

卷九

武備志兵事

十八

至道員恆慶現據明亮奏稱因在鄖西邊卡督兵闖截步賊冲
上山梁恆慶往來山中馬蹶跌傷左腿等語恆慶如有避賊情
事必當治以重罪今既親身督截馬跌被傷著暫留郡城調養
現在闖入鄖西之賊已經恆瑞等截回恆慶亦無功足錄俟傷
痊仍督同孔繼楨認真防堵不得再有疎懈總之軍營勦辦賊
匪必能堵而後能勦屢經降旨諭各該督撫飭令地方官團勇
防堵姜晟身任湖廣總督地方是其專責所有楚省防堵事宜
自當遵照節次諭旨妥協籌辦况現據額勒登保奏楚省賊匪
樊人傑等股由竹谿縣竄至平利縣經慶溥溫承恩勦辦現已
逃入川界其苟鮮等逆亦由巴東竄入巫山楚省祇有徐天德
一股在南漳一帶奔竄現經明亮倭什布等帶兵勦捕楚省賊

匪現已無多全在該處地方官實力防堵俾賊匪無從逃竄官兵得以兇勦乘機撲滅此時江岸防守尤當加倍嚴密如楚境賊匪勦竣其地方官防守之功自必一體優獎若玩忽從事該督等均難辭失誤之咎也將此隨報便諭令知之欽此

嘉慶八年九月初一日奉

上諭據德楞額奏稱前次殲斃姚之富齊王氏等實屬鄂西縣所募鄉勇認真出力自應查明酌加優獎著傳諭吳熊光詳查該縣從前所帶鄉勇是否自行捐貲僱募孔繼楫現在有何加銜曾否賞戴翎枝據實具奏候朕加恩欽此

嘉慶八年九月二十二日奉

上諭前據德楞額奏稱從前殲斃齊王氏姚之富等實由鄂西縣

鄂西縣志

卷九

武備志兵事

十九

所募鄉勇認真出力曾降旨令吳熊光查明具奏茲據奏稱其時鄉勇係縣民郭友桂榮爲首經該縣孔繼楫曉諭自相團練等語該縣孔繼楫練集義勇素爲得力前此齊王氏姚之富等竄至該縣得以隨時就殲實屬能事現已大功全蕪自應加之優獎孔繼楫著加恩賞加同知銜並賞換花翎義勇桂榮著加恩以千總卽用其郭友據稱不願入營著加恩賞給千總銜用昭獎勵欽此

嘉慶八年十月初二日奉

上諭吳熊光奏南北西路搜防情形一摺據稱陝省洵陽地方有賊一股約二百餘人竄至鄂西西邊之閭家坪一帶經該縣孔繼楫督率義勇截勦鎗斃二名該匪見堵禦甚嚴不敢直奔鄂

境卽折回西竄現已飛飭該縣及副將朱士奉督率嚴堵以免
闖入等語所辦甚是此股賊匪自卽係南山竄出之賊前據陝
省奏到其匪衆約有二百餘人並有騾馬往鎮安洵陽一帶奔
竄等語今經湖北省堵禦嚴密仍將該匪截回辦理尙屬妥協
孔繼樞向來辦理防堵事宜素爲出力前已加恩賞加同知銜
並賞換花翎從前於齊王氏姚之富等大股肆竄之時尙能堵
截殲斃此時陝省殘敗餘匪堵禦更屬不難吳熊光惟當鼓勵
該員搜捕零匪馳報肅清此時一二未淨之賊若仍任其來去
自如豈不又如前此賊踪散漫忽東忽西成何事體現在楚省
餘匪尙未能就地殲淨又有竄向川省大甯者若陝省之賊又
復聽其闖入鄂西一帶該省所謂防堵者何事耶又成故套尙

鄂西縣志

卷九

武備志兵事

二十

復成何事體前叅將李貴等所追零匪上次吳熊光報到祇稱
首逆王世輝等帶領矛手二十四人往竹山奔竄此次摺內又
稱據獲犯供稱陸續湊合共有四十多人數目又復增添看來
軍營所報賊數總不確實此時該逆旣分兩起奔竄其竄往川
省者吳熊光當嚴飭麻光裕等上緊尾追與川兵夾擊其逃往
順水溪一帶者卽飭李東宣等迅速搜捕總須趕緊勦靜務於
十月內一律蕙事爲要至遊擊薛忠全於賊匪竄至所管段內
不能截獲咎有應得尙何足惜吳熊光請將該員翎頂摘去所
辦尙輕薛忠全著拔去花翎降爲千總以示懲儆如再有疎懈
卽行從重治罪其所管汛地並著另派大員一人前往督率防
堵將此由四百里諭令知之欽此

同治元年粵逆由豫竄秦三月二十四日山陽不守五月
初五日賊自漫川竄逼縣城城守十晝夜而陷始未備
詳於後

候選教諭葉年棻失陷城池始末記

歲壬戌同治元年也五月五日髮逆圍鄭西十晝夜陷之
噫西雖小邑僻在萬山中而毗豫連秦實屬全楚門戶故
失陷有不忍述而又不能不述者述之俾後世讀是志者
見而知防守之得失也是歲三月廿四日陝省山陽縣失
守山陽距西二百八十里廿九日聞報舉邑避難者或出
城入鄉或自鄉入城日夜紛亂不已邑侯梁公出禁令無
論城鄉百姓止准入不准出何也惟恐無與共守此城者

鄭西縣志

卷九

武備志兵事

二十一

耳是以止之而百姓亦遂止焉復諭紳士卡首設軍需局
斂經費團鄉勇爲防守計翰林院待詔銜楊景秀爲局總
衛守脩銜李景良爲團總拔貢黃蒸雲監生盛世勳經理
局賬廩生夏寶樹生員謝開第李炳南催收捐款東門卡
首職員徐學華柴紹銓典史袁名懿主之南門卡首生員
林暄職員李祥啟學師蔡以儲主之西門卡首生員文景
運葉夢寅把總黃金甲主之北門卡首武生陳步瀛監生
李國祿守脩柴文玉主之城東北隅與黃山相敵一城扼
要邑侯梁公張帷幄以坐鎮之炮臺七各臺設將軍炮一
東北炮臺三恐賊踞黃山也抬炮十六一門各四追風小
鎗二百八十桿按四門分派成隊城周圍九百五十餘壕

沿戶抽派門丁各執刀矛一塚口守以二人礮木滾石灰
礮火彈備焉五塚共一竈鍋煎油水米粥一竈上礮十具
恐賊撲城以爲守禦計也夜則用長竿吊燈城外各守城
壯丁用火紙浸以油每燃一張放亮於城脚防賊潛入城
邊偷架雲梯也守城之法亦密矣西邑共四十九保奉諭
團勇緩不濟急時有招勇出防要隘之議吝費者力阻曰
賊數無幾防隘不如守城於是各執意見事已不可爲矣
然賊向未定猶冀幸於萬一而賊不西窺也斯時城內營
兵僅九十餘名而守城不與焉李景良雖團勇二百名分
八十名派卡首趙大志金光藻李登雲帶領出防絞長關
其餘分派四門盤詰奸細而守城亦不與焉探信卒無確

鄭西縣志

卷九

武備志兵事

二十二

報時而賊掠銀花高八店與竹林關西坪路通卽報賊去
河南時而賊掠麻石河一帶與商雜路通卽報賊去藍田
始終未言賊或西竄亦並無慮及賊或西竄者此賊未到
籌防籌守之情形也門勇自四月初二日守城至五月五
日匝月有餘是日午刻絞長關防勇潰散入城髮逆數千
人已尾至城下撲西北城不退城上齊施鎗炮斃賊二百
餘名賊稍却而賊之馬步隊又到卽將傷斃賊尸扛去繞
上黃山窺伺城內虛實東北隅大將軍三炮並發斃賊七
人賊懼撤轉北隅春山頂立望移時忽散隊四面爭人民
舍一時城外所有民房盡爲賊踞五色旗幟插滿門首轉
瞬間四圍高山之巔各插大旗一面而由北而來之賊尙

如蜂擁不斷直至初六日晚猶聞大隊未到噫正不知賊
數幾萬萬矣官紳於此而始知懼晚矣賊已圍城已築力
阻招勇者始商衆招勇沿街招呼得創菸人百名號豹子
軍生員葉夢寅管帶爲四面接應又招梨園子弟三十一
人護衛邑侯官棚賊於初七日早大隊到北關駐紮是日
已刻城南賊隊忽亂紛紛北竄負糧擔物者隨之人馬俱
極倉皇隱隱聞蘆子溝炮聲城上守者皆喜曰大兵至吾
輩生矣賊圍解矣頃刻城上炮聲四起以作策應假此刻
大兵果至賊盡北遁矣乃鎮軍何紹彩督帶四營勦賊援
西頭隊至蘆子溝遇賊開仗殺賊二傷賊七何營陣亡哨
官一員勇帶傷者四十餘人何卽退紮火車嶺不復進勦

卷九

武備志兵事

二十三

俄而炮聲息逃賊返卽此一夕賊於激浪河岸造望樓炮
臺木城以阻援兵攻城益急矣自初七夜每三更撲城五
更再撲黎明撤去如此者數夕無閒闔城男俱登陴各婦
女無貴賤老幼皆親身手掘街石送城上供擊賊之用日
閒恐賊窺城虛用及婦女各項草帽混之初十日晚炮斃
僞扶王長子僞忠王賊勢漸衰勇胆益壯惟日望援兵而
竟無聲息可慨也然撲城愈厲城勇愈勞日不得一飯夜
不得一眠官紳梭巡概同此苦十一日賊用箭射書入城
勸降二賊首於南城外民舍樓上索銀議和官紳矢以死
守有祁陶二姓與賊通言立斬示賊賊罵城勇指賊施炮
傷面竄避未幾南北關外鳴鑼擊鼓日夜不停有知爲開

地穴藉金鼓聲以亂聽者稟官官曰否否告局總團總皆曰否否再力爲進辨曰非開地穴必如此何謂官暨局總團總厲聲叱曰鄖西山縣遍地皆石萬無穴地之事勿造謠謠者斬噫天不佑西邑也非盡由官紳未經閱歷使要言之不入也自是人不敢言矣此賊已到外攻內守之情形也十四日賊寂無聲四更時忽然殺聲起撲城異於前賊前後分三隊前隊炮指城上施放中隊皆肩抬雲梯後隨刀矛勢在直抵城垣城上石礮亂擊大小鎗炮齊施鬪至五更斃賊頗多雲梯卒未能近城突聞城北一轟城俱震動東西南三門全不知北城已陷仍與賊持忽白旗二百餘面入市知爲賊不知賊從何人旗先到西市卡首葉

鄖西縣志

卷九

武備志兵事

二十四

夢寅呼聚豹子軍數十人出左家巷闖截賊急上房炮響賊落繼而東門卡首柴紀銓南門卡首林暄帶勇畢聚圍殺白旗殆盡方知北城轟陷於是齊堵陷口賊卒不能入不意東城勇散賊盡架雲梯入城西南城勇依然禦賊未動及東北男婦成羣西奔方知東城已失勇盡下城巷戰通城屋上屋下互相鬪殺街衢死尸相枕藉半賊半民惟西北城下夾道中男女擁擠成堆多被踏死賊從兩頭斫殺至十五日巳初始止官紳士民殉難者億萬計噫城未陷民皆不知有生城旣陷民皆不知有死天地之正氣國家之元氣與生人之真氣載而俱出此所以有不忍述而又不能不述者亦防守得失之見端也茶身歷此難遊天

幸免得留餘生謹悉其始末以記

同治元年八月粵逆回竄荆子關十月又由浙川竄鄖陽
由武陽搭浮橋竄渡漢江知縣林瑞枝帶團勇進援解
郡圍勦逐以去二年七月川匪藍逆由漢南竄逼縣屬
之湖北口經知縣林瑞枝堵勦大獲勝仗該逆轉由山
陽橫竄趙家川又由趙家川回竄漫川關直犯上津西
邑東西北三面喫緊防守經年賊卒未敢闌入三年四
月髮逆由漢中長驅南犯經大兵截勦尾股偽啟逆轉
由鄖縣之南化鎮竄逼縣城城圍五日凱字英毅各營
會勦援救髮藍各逆併股上竄四年五月大兵於階州
作長圍殲滅之

鄖西縣志

卷九

武備志兵事

二十五

候選訓導林正蕙團防紀畧

自粵逆倡亂以來天下無歲不用兵而團防尤爲急務也
鄖西白蓮教亂後成平康樂不見兵戈者六十餘年無事
團防蓋相與忘之同治壬戌夏五月驚傳風鶴人皆畏蕙
不知集團而守隘口直使賊逼城下束手待斃此恨千古
矣是年八月黔陽林使君墨香來視縣事爲辦善後事宜
適粵逆爲我師勦逐回竄荆關距縣僅百八十里城廂子
遺均以前車之鑒逃避一空林使君振勵多方飛諭集勇
以資保衛時維下車伊始民猶相信未深也各保紳團雖
勢莫之違而團防有濟與否尙未能知蓋惴惴焉爾不敢
操其券迨賊踞荆關兩月卒未敢犯關隘迺羣聚而相慶

曰此林使君之力也微使君集團以守隘不至此於是欣然以民練之足恃而團防尤宜急講也是年十月朔九日猝得郡垣警報十日賊騎竟博郡城匪踪密邇不逾百里團勇未集一人倉卒之間智勇悉茫然無策林使君爲隣封不靖念切衛民星夜飛檄各保集團而先以左右十餘人親帶赴卡趕集火車箭流閭家三保團練守禦界牌關隘何意賊情詭速勇未齊集賊已自覺門鋪蜂擁而來民團自顧力單幾幾乎若鳥獸散林使君急傳諭曰衆勿怯我今憑險而守賊騎雖衆無能爲也遂令舉炮擊斃賊首一人餘賊潰勇亦單薄不獲深追林使君見賊鋒已挫勇力漸增飭紳士陳柏殷汝霖等帶勇守隘自回縣城調集

鄖西縣志

卷九

武備志兵車

二十六

西北各保團練尅期赴郡援勦十六日各團畢集遂移請譚守脩帶同黃雲香口等保團練守城何把總同紳士陳庚辛楊正榮督帶馬鞍雙掌九龍廖河等保團練會合界牌關防勇由旱路趨郡至武陽沙溝口會集林使君自帶大黃小河太平朝陽烟墩等保團練并炮船二十餘隻由水路趨郡十七日舟抵殿漁灣賊先日已自武陽店搭橋渡河兩岸蟻聚鎗炮紛施林使君冒險登岸督勇奮擊當生擒黃衣賊首一人殺斃十餘人奪獲旗幟刀矛甚夥返舟下馳沿河截殺至陡河口天薄暝矣四圍皆賊無泊舟處賊又搶有小舟數隻亦往來河中夜間恐爲賊所乘懸重賞募勇浮水焚賊舟賊覺船皆灰燼是晚得停泊河心

日賊窺兵勇雲集轉由熨斗灘回窳大坪旋由九里坪竄
陷山陽縣城毅建前營雷協未及築壘猝爲賊乘致賊勢
益張不可復遏良可嘆也林使君得耗以山陽距縣較近
漫川防勇亦單恐有意外之虞星速督勇回援一晝夜馳
三百里猶未息也十月初二日抵漫川防所卽以各勇分
紮數營更壘石於河以禦賊騎環探頻來得知李京卿勦
辦亦未能應手賊已分股竄擾洛峪竹林關等處東隘復
形吃緊矣賊勢猖獗之日正我勇軍糧支絀之時籌措無
方諱潰立見荷沐 上憲賞撥軍費銀一千兩下縣以資
接濟維時團勇餉足踴躍爭先林使君添調團勇布紮碾
子坪罩川等隘以顧東北門戶二十一日賊見漫川守備

鄖西縣志

卷九

武備志 兵事

二十八

謹嚴未敢下竄轉由土門子竄向趙家川而去北邊方報
肅清東防倍形喫重趙家川距縣百餘里朝發可以夕至
林使君東路西路兼顧實難賊至趙家川邑城牆堙隘防
勇僅六七十人耳賊竟來櫻一日夜十數次攻撲殆危已
甚賴管把總帶傷力拒藉得保全斯亦荷天之幸矣林使
君回縣知凱軍不可以緩急恃遂調八道瓜子安家三保
團練就近助守旋移請何把總帶同馬鞍觀音烟墩樹家
火車等保團練駐紮蒿坪隘卡以顧後路援應田把總帶
同雙掌五頂石塔大黃等保團練趕赴城牆堙隘變易管
把總回縣調傷飭紳士楊正榮隨營辦理軍糧此十一月
十六日事也二十日賊以團勇分防單薄全隊來撲蒿坪

隘卡又分股徑抄後路團勇亦以凱軍撤營回郡腹地空
虛氣爲之餒因而失事何把總陣亡團勇傷亡百餘人可
勝慨哉林使君守勇趕至長崗嶺救援不遠退屯縣城收
集潰勇進紮扼堵趕築關隘壘石於河又於城北黃山遍
搭兵棚以作疑兵計旬日之間軍勢復振賊因是不敢西
犯此西防北防以迄東防之大畧也十二月初八日賊又
以東防無可乘之隙轉由馬蝗溝橫竄罩川漫川直犯上
津團勇自西而北而東茲又自東而北而西疲勞何可言
狀迫於勢不得已而生死關也曷敢言瘁林使君商請凱
軍二營守城又調回東防之勇分紮要隘以預上津踞逆
下竄二十四日梁唐二觀察齊抵縣城籌商進勦機宜林

鄖西縣志

卷九

武備志兵事

二十九

使君請以團勇先驅分道并攻兩觀察自以兵力有餘不
如所請二十八日不由馬家溝以攻賊腹而直由十八盤
以犯賊鋒山路逼窄隊伍參差九營潰於一戰殊可惜也
林使君得耗星夜上馳調集民團親帶由馬鞍西道而進
而賊爲營以敷殘歲迨三年正月望日林使君督勇至烈
虎關隘賊早偵知麇聚北竄非賊不畏兵而畏團祇以團
勇習知賊情熟悉地理登險如夷鎗發善中湖北口一戰
先有以破賊衆之膽也藍逆去而未遠髮逆相逼而來二
月朔卽聞山陽不守粵逆南竄林使君商請兩觀察暫駐
以遏賊衝兩觀察俱以郡城根本之地爲詞率部而去僅
留二營以助城守維時髮逆百萬之衆長驅南犯團勇縱

不息勞而藍逆在西髮逆在北賊衆隘多防之不勝防也
林使君彊策勵國勇分守要隘又會商山陽屬紳團扼堵
僧道關卡使賊下竄無路賊遂由洛峪銀花橫窳而去西
境卒得安全伊誰之力哉何意藍逆阻漢未渡返竄仙河
旣踞關防復擾八里等處李京卿兵不克勝團勇亦久疲
於役未能進勦兩月來任其蹂躪屈於力不逮也四月朔
九日藍逆方鳴張於北粵逆忽鼠竄於東防不及預勇不
及調賊騎已逼郊壇矣幸而蜂屯無幾虎旅適來十四日
梁觀察率所部凱字義勝各營由南進勦陝兵李主簿率
所部英毅各營由東躡追腹背夾擊賊遂奔潰設是時乘
其窮感極力尾追渠魁或可殲脅從或可散鄰境或可安

邊隅或可靖懋厥功矣惜乎計不及此也人或謂賊之犯
關逼城非團防所能禦者非通論也當日者鄖西未集團
防之時城致不保迨集團防之後城得以完團防足恃乎
不足恃也此其大較者矧夫藍逆之踞於北粵逆之屯於
東鄖西實逼處此介乎其間苟無團防以堵禦之則不知
伊於胡底也所以虎賁一臨衆團協力而使賊豕突狼奔
去而之他鄖西得以安焉而邊境亦藉以平定官軍固不
可沒其功團防究不容沒其實卒之境內肅清兵若團同
與力矣而西境差可安枕者非準此耶是役也經營二三
年之久防堵數百里之遙民不知勞用不知匱是在良有
司之善爲撫馭耳蕙年來勦事無役不從得識其大畧而

紀於篇

前督部堂官
前巡撫部院嚴

會銜附

奏

再陝南髮捻各逆盤踞日久自道員梁作楫一軍入陝駐紮興安以後該逆知我楚邊空虛逆首藍二順分率大股捻黨由鎮安圖竄楚境鄖陽各屬與陝省壤地相接頭頭是道防不勝防而鄖西首當其衝尤爲吃緊當經 等飛飭鄖陽鎮府督率所屬嚴密防範一面飭令蔣運喜所帶援陝之義勝三營改道由鄖西進勦扼守漫川關詎該逆颺疾異常於七月十七日竄擾鎮安縣屬之鉄廠舖一帶地方逼近楚境攻破民寨二十七處意欲由熨斗灘竄由

鄖西縣志

卷九

武備志兵事

二十一

鄖西經署鄖西縣知縣林瑞枝會同營汛激勵紳團挑選壯勇分布漫川關湖北口大新川鑽天嶺三天門東川口等處要隘嚴密守禦並派軍功李廷貴等帶領精勇馳任熨斗灘協同該處防兵堵勦八月初四日探知該逆已繞由大坪一帶竄至七里峽距湖北口要隘僅數里林瑞枝當卽派撥團紳李長枝等選帶練勇前往迎勦行抵白塔灣該逆蜂擁而來我軍攔頭截擊斃賊多名奪獲大旗二杆賊逆敗退我勇亦陣亡二名因天晚收隊嗣該逆勾結鎮安程家川狗匪馬四一等連日分股攻撲我鑽天嶺湖北口將臺等處要隘均經林瑞枝督飭團紳程鳳國等率勇擊退先後十餘次斃賊甚夥團勇亦傷亡百餘名九月

十一日該逆知我義勝營將到鄖西復悉衆由米糧川等處攻撲將臺及大新川各隘口賊旂遍野勢甚猖獗林瑞枝卽會督營團兵勇直趨將臺隘口進剿並派軍功李廷貴帶領勇丁由王家溝斗山盤分勦甯賊另調新開嶺軍功徐士林等營勇由江西溝出米糧川後夾擊乘賊喘息未定揮勇奮擊該逆恃衆抗拒我軍直入賊陣手刃黃衣賊首二名該逆等紛紛潰退兵勇四山追殺鎗炮齊施斃賊五六百名賊首百餘級生擒偽巡部胡學典等二十一名正法墜巖死者不計其數奪獲器械數百件救出被擄難民數百餘人該逆敗退入陝鄖西邊境已無賊踪查點兵團傷亡僅止數人由鄖陽鎮總兵安貴知府陳洪鐘暨

鄖西縣志

卷九

武備志兵事

三十二

署鄖西縣事卽補知州林瑞枝先後稟報前來查陝南逆衆鳴張圖竄鄖西以窺鄖郡若不迅速勦除襄鄖同時震動於全楚大有關係仰賴

皇太后

聖主威福各紳勇踴躍用命奮勇擊退不特楚境藉資穩固卽李雲麟援陝一軍亦無後路之虞除仍飛咨李雲麟相機追勦力圖掃蕩並飭梁作楫俟李雲麟抵防後速回楚境協同鄖屬文武一體慎守邊城毋稍疎懈仍查明傷亡紳勇分別辦理外所有此次勦退陝逆保固楚疆之署鄖西縣事卽補知州林瑞枝於大股悍逆撲犯邊境卽能糾聚圍勇迅速擊退不致重煩兵力洵屬布置合宜謀勇兼備

爲州縣中不可多得之員合無仰懇

天恩賞加知府銜並

賞戴花翎以昭激勸而作士氣此外在事出力文武員弁紳士
勇丁可否由 等擇尤酌保祇候

恩施謹合詞附陳伏乞

聖鑒訓示謹

奏

本年十月初九日內閣奉

上諭官

嚴

片奏陝南髮捻各逆竄撲鄖西經署知縣

林瑞枝糾聚團勇迅速擊退懇請獎勵等語署鄖西縣事卽
補知州林瑞枝著賞加知府銜並賞戴花翎其餘在事出力